



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka („Službeni glasnik BiH“ broj 22/00) i člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) izdajem

IZVJEŠTAJ O REVIZIJI
GODIŠNJEG FINANSIJSKOG IZVJEŠTAJA ZA 2006. GODINU
HRVATSKOG BLOKA BiH

Broj: 03-07-6- 472/08
Sarajevo, 10.07. 2008. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije.....	5
Obim revizije.....	5
4. PRETHODNE REVIZIJE.....	5
5. NALAZI REVIZIJE I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

- 1.1. Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju godišnjeg finansijskog izvještaja **Hrvatskog bloka BiH** za 2006. godinu. Revizija je ispitivala primjenu Zakona o finansiranju političkih stranaka i primjenu člana 15.10 Izbornog zakona Bosne i Hercegovine, od strane HB BiH.
- 1.2. Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.
Naša odgovornost je da izrazimo mišljenje na osnovu revizije koju smo izvršili.
- 1.3. Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka i članom 15.10 Izbornog zakona Bosne i Hercegovine.
- 1.4. Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka i članom 15.10 Izbornog zakona Bosne i Hercegovine.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Hrvatski blok BiH u izvještajnom periodu nije postupio u skladu sa odredbama člana 6. i člana 11. stav (1), (2) i (3) Zakona o finansiranju političkih stranaka i člana 15.1 Izbornog zakona BiH.

Prema našem mišljenju, osim navedenog, revidirani finansijski izvještaji ukazuju da je Hrvatski blok BiH u 2006. godini postupao u skladu sa Zakonom o finansiranju političkih stranaka i članom 15.10 Izbornog zakona Bosne i Hercegovine.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila reviziju godišnjeg finansijskog izvještaja Hrvatskog bloka BiH za 2006. godinu.

Revizija je preduzeta u skladu sa članom 14. stav (1) Zakona o finansiranju političkih stranaka i članom 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatski blok BiH je iskazao prihode u iznosu od 11.487,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	11.487,00	100,00%
	Ukupni prihodi:	11.487,00	100,00%

U godišnjem finansijskom izvještaju Hrvatski blok BiH je iskazao ukupne rashode u iznosu 9.245,00 KM.

2. PREDSTAVLJANJE POLITIČKE STRANKE

Naziv političke stranke: Hrvatski blok BiH. Skraćeni naziv je HB BiH.

Politička stranka Hrvatski blok BiH je registrovana 18.10.2004. godine kod Županijskog suda u Mostaru pod brojem 04-32-5-1-4227425230009/04.

Sjedište političke stranke je u Mostaru, Ante Starčevića bb.

Za zastupanje stranke ovlašteni je Mario Vasilj, predsjednik. Osoba ovlaštena za podnošenje finansijskih izvještaja za 2006. godinu je Ivica Petrović.

Organizacionu strukturu stranke Hrvatski blok BiH čine:

- Temeljna organizacija i slijedeće općinske organizacije: Mostar, Široki Brijeg, Posušje, Busovača, Livno, Tomislavgrad i Kupres.

3. OPIS REVIZIJE

Predmet revizije je godišnji finansijski izvještaj Hrvatskog bloka BiH za 2006. godinu, i to sljedećih organizacionih djelova:

- Središnjica stranke Mostar,
- Opštinski odbor Široki Brijeg, i
- Opštinski odbor (povjerenstvo) Tomislavgrad.

Cilj revizije je da se prikupi dovoljno relevantnih dokaza kako bi se moglo izraziti mišljenje o tome da li je HB BiH u izvještajnom periodu postupio u skladu sa odredbama Zakona o finansiranju političkih stranaka i poglavlja 15. Izbornog zakona Bosne i Hercegovine.

Obim revizije finansijskih izvještaja Hrvatskog bloka BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i način trošenja sredstava, sa posebnim naglaskom na priloge fizičkih i pravnih lica, prihode iz budžeta, prihode od imovine i troškove kampanje.

4. PRETHODNE REVIZIJE

Revizija se obavlja prvi put.

5. NALAZI REVIZIJE I PREPORUKE

5.1. NALAZI

a) Na osnovu obavljene revizije finansijskih izvještaja utvrđeno je da je Hrvatski blok BiH prekršio odredbe člana 6. Zakona o finansiranju političkih stranaka.¹

Stranka nije na obrascu priloga pravnih lica iskazala prilog pravnog lica TG Pizzerija Tomislavgrad u iznosu od 200,00 KM.²

b) Hrvatski blok BiH je prekršio odredbe člana 11. stav (1) i stava (3) Zakona o finansiranju političkih stranaka.³

- U godišnjem finansijskom izvještaju stranka nije iskazala prihode iz budžeta u iznosu od 86.781,83 KM⁴ i to: prihod iz Budžeta Vlade Federacije BiH u iznosu od 78.588,00 KM, i

¹ Ako ukupni iznos priloga jednog lica iz stava 1. člana 4. premašuje 100,00 KM, ta uplata mora da se unese u finansijski izvještaj u skladu sa članom 11.

² Donacija evidentirana na izvodu br. 33 neprijavljenog transakcionog računa UniCredit Zagrebačke banke Tomislavgrad.

³ Političke partije vode evidenciju o svojim prihodima i rashodima.

⁴ Nije uzet u obzir promet ostvarenih prihoda sa neprijavljenog transakcionog računa UniCredit Zagrebačke banke.

primljena sredstva iz Budžeta Hercegbosanske županije u iznosu od 8.193,83 KM. Obrazac na kojem se iskazuju prihodi iz budžeta nije popunjen u skladu sa članom 19. Pravilnika o godišnjim finansijskim izvještajima političkih stranaka („Službeni glasnik BiH“ br.61/06).⁵

- Stranka u finansijskom izvještaju za 2006.godinu, na obrascu 2. nije prijavila transakcioni račun broj 33823002200598411 otvoren kod UniCredit Zagrebačke banke Tomislavgrad. Ukupan promet po osnovu uplata evidentiran je u iznosu od 86.993,42 KM, i isplata u iznosu od 88.948,20 KM.⁶
- Obrazac 4. nije pravilno popunjen jer su troškovi propagande u iznosu od 1.500,00 KM iskazani i na obrascima 4-1 i 4-2, čime su ukupni troškovi iskazani većim od stvarnih za ovaj iznos.

c) Na osnovu obavljene revizije utvrđeno je da je Hrvatski blok BiH prekršio odredbe člana 11. stav (2) Zakona o finansiranju političkih stranaka i člana 15.1 Izbornog zakona BiH.⁷

Hrvatski blok BiH nije podnio Centralnoj izbornoj komisiji BiH postizborni finansijski izvještaj za period od dana podnošenja prijave za ovjeru za izbore do dana objave rezultata izbora.

Troškovi predizborne kampanje

Na bazi podataka iz godišnjeg finansijskog izvještaja utvrđeno da je Hrvatski blok BiH postupio u skladu sa odredbama člana 15.10 Izbornog zakona BiH, odnosno u svrhu izborne kampanje je potrošio 1.500,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁸ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH Hrvatski blok BiH je mogao potrošiti 53.140,20 KM.

⁵ Obrazac 3-f , Prihodi iz budžeta , popunjava se na nivou političke stranke i u njemu se evidentiraju sva sredstva iz budžeta svih nivoa vlasti koja je politička stranka primila u izvještajnom periodu .

⁶ Izvodi dobiveni naknadno u toku obavljanja revizije od odgovornog lica u stranci, na kojima je utvrđen gore navedeni promet. Odgovorna lica u stranci su dali informaciju da je Povjerenstvo u Tomislavgradu bez znanja Središnjice stranke otvorili podračun kod pomenute banke i preusmjerilo sredstva iz proračuna Vlade Federacije. Za ove navode stranka je priložila Odluke o suspenziji odgovornih lica u povjerenstvu u Tomislavgradu, kao i dopis povjerenika Ivana Madunića kojim se obraća Vladi FBiH za prenos sredstava iz proračuna.

⁷ Politička stranka podnosi poseban finansijski izvještaj za period izborne propagande na način kako je utvrđeno Izbornim zakonom Bosne i Hercegovine.

⁸ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE

Hrvatskom bloku BiH se preporučuje da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 6. i 11. stav (1), (2) i (3) Zakona o finansiranju političkih stranaka i odredbi člana 15.1 Izbornog zakona BiH i to:*
 - *da prijavljuje priloge na obrascima godišnjeg finansijskog izvještaja,*
 - *da vodi evidencije o svojim prihodima i rashodima,*
 - *da finansijske izvještaje podnosi u rokovima koji su propisani ovim zakonima,i*
 - *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i Pravilnikom o predizbornim i postizbornim finansijskim izvještajima političkih stranaka.*
- *da uspostavi sistem knjigovodstva, odnosno da ispuni zakonsku obavezu vođenja poslovnih knjiga na nivou stranke i*
- *da uspostave bolju saradnju sa nižim organizacionim dijelovima stranke.*

Komentar

U ostavljenom roku, Hrvatski blok BiH se nije očitovao na Preliminarni izvještaj o reviziji godišnjeg finansijskog izvještaja za 2006. godinu.

Zahvaljujemo se ovlaštenoj osobi za podnošenje finansijskih izvještaja Hrvatskog bloka BiH na dobroj i korektnoj saradnji tokom obavljanja revizije finansijskih izvještaja.

Hasida Gušić, šef Službe

Andan Nevenko, revizor

Anela Burdžović-Kapić, pomoćnik revizora